

Bosna i Hercegovina
Federacija Bosne i Hercegovine
KANTON SARAJEVO
MINISTARSTVO UNUTRAŠNJIH POSLOVA
UPRAVA POLICIJE
SARAJEVO

Broj: 02 -14-4-2149-7/19
Datum: 04.07.2019.godine

Na osnovu člana 23. stav (3) tačka h) i člana 24. stav 3. Zakona o unutrašnjim poslovima Kantona Sarajevo („Službene novine Kantona Sarajevo”, broj 1/16), člana 32. stav 1., člana 69. stav 1. tačka a) i člana 70. stav 1., 3. i 6. Zakona o javnim nabavkama („Službeni glasnik Bosne i Hercegovine”, broj 39/14) i preporuke Komisije za sukcesivne nabavke za potrebe Uprave policije, imenovane Rješenjem broj: 02/5-1-14-4-2625/19 od 13.05.2019. godine, u postupku javne nabavke usluga tehničkog pregleda motornih vozila za potrebe Uprave policije MUP Kantona Sarajevo, putem konkurentskog zahtjeva za dostavu ponuda, za policijskog komesara načelnik Sektora kriminalističke policije Uprave policije Ministarstva unutrašnjih poslova Kantona Sarajevo, d o n o s i:

O D L U K U
o dodjeli okvirnog sporazuma trećerangiranom ponuđaču

1. Prihvata se preporuka Komisije za sukcesivne javne nabavke i okvirni sporazum za javnu nabavku usluga tehničkog pregleda motornih vozila za potrebe Uprave policije Ministarstva unutrašnjih poslova Kantona Sarajevo dodjeljuje se ponuđaču Autodelta d.o.o. Sarajevo, za ponudenu cijenu u iznosu od 31.500,00 KM bez PDV-a.
2. Postupkom javne nabavke predviđeno je potpisivanje Okvirnog sporazuma na period od 2 (dvije) godine. Okvirnim sporazumom Ugovorni organ i Izvršilac mogu u toku cijelog perioda na koji se sporazum zaključuje, zaključivati ugovore iz oblasti predmetne nabavke. Ukupna vrijednost pojedinačno zaključenih ugovora ne može biti veća od prihvaćene cijene ponude.
3. Ponuđači će biti obaviješteni o rezultatima postupka u roku od 7 (sedam) dana od dana donošenja odluke o izboru ponuđača. Prijedlog okvirnog sporazuma o nabavci dostavit će se na potpis izabranom ponuđaču Autodelta d.o.o. Sarajevo po isteku zakonom predviđenog roka od dana od kada su svi ponuđači obavješteni o izboru najpovoljnije ponude.
4. Izabrani ponuđač dužan je da u roku od 5 (pet) dana od dana prijema ove Odluke dostavi dokumente navedene u tačkama 12. i 13. tenderske dokumentacije, a koje se odnose na član 45. stav 2. tačka od a) do d) i na član 47. stav 1. tačka a).
Dokazi koje će dostaviti odabrani ponuđač moraju biti originali ili ovjerene kopije i ne mogu biti stariji od 3 mjeseca, računajući od momenta predaje ponude.
5. Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke.

Obrazloženje

Na osnovu Odluke broj: 02-14-4-2149/19 od 18.04.2019. godine i Obavještenja o nabavci broj: 16475-7-2-47-3-40/19 od 03.05.2019. godine, te Ispravci obavještenja o nabavci brojo: 16475-7-2-47-3-40/19 od 16.05.2019. godine proveden je postupak javne nabavke pružanja usluga tehničkog pregleda motornih vozila za potrebe Uprave policije Ministarstva unutrašnjih poslova Kantona Sarajevo.

Prema Zapisniku sa otvaranja ponuda, broj: 02-14-4-2149/19 od 27.05.2019.godine, za aktivno učešće u postupku dostavljene su ponude ponuđača: Osing osiguranje inženjering d.o.o. Sarajevo, Autodelta d.o.o. Sarajevo, Centrotans eurolines d.d. Sarajevo, Ahmetspahić petrol d.o.o. Sarajevo i Asa assistance d.o.o. Sarajevo.

Komisija za sukcesivne nabavke za potrebe Uprave policije (u daljem tekstu Komisija) izvršila je pregled i ocjenu dostavljenih ponuda, te sačinila Zapisnik o pregledu i ocjeni ponuda, broj: 02-14-4-2149-3/19 od 11.06.2019. godine, kojim je utvrdila sljedeće:

- da ponuda ponuđača Osing osiguranje inženjering d.o.o. Sarajevo nije prihvatljiva, a u skladu sa članom 55. stav 1. Zakona o javnim nabavkama ("Službeni glasnik BiH", br. 39/14), te članom 9. stav 4. Uputstva o uslovima i načinu objavljivanja obavještenja i dostavljanja izvještaja u postupcima javnih nabavki u informacionom sistemu „E-nabavke“ („Službeni glasnik BiH“, br. 90/14 i 53/15). Naime, ista nije dostavljena na način propisan gore navedenim odredbama. U skladu sa naprijed navedenim, daljnja evaluacija ponude ponuđača Osing osiguranje d.o.o. Sarajevo nije vršena. Shodno naprijed navedenom ista nije prihvatljiva.

- da ponuda ponuđača Asa assistance d.o.o. Sarajevo nije prihvatljiva. Naime, tačkom 13. tenderske dokumentacije u smislu člana 46. Zakona o javnim nabavkama, ugovorni organ je tražio original ili ovjerenu kopiju Aktuelnog izvoda iz sudskog registra. Aktuelni izvod koji je priložen u ponudi nije adekvatno ovjeren od nadležnog organa. Takođe, ponuda ponuđača Asa assistance d.o.o. Sarajevo nije numerisana u skladu sa tačkom 15. Tenderske dokumentacije, kojom je izričito traženo da sve stranice ponude moraju biti numerisane, a u smislu člana 58. stav 2. Zakona o javnim nabavkama u kojem stoji: "Ponuda mora biti čvrsto uvezana i sve strane ponude numerisane..." U skladu sa naprijed navedenim, ponuda ponuđača Asa assistance d.o.o. Sarajevo nije prihvatljiva.

- ponude ponuđača Autodelta d.o.o. Sarajevo, Centrotans eurolines dd Sarajevo i Ahmetspahić petrol d.o.o. Sarajevo su prihvatljive, zadovoljavaju uslove tražene tenderskom dokumentacijom.

U pristiglim ponudama Komisija za sukcesivne nabavke za potrebe Uprave policije prilikom pregleda i ocjene ponuda utvrdila je i postojanje računskih grešaka kako slijedi:

- Ukupni iznos u ponudi ponuđača Ahmetspahić petrol d.o.o. Sarajevo nakon ispravljanja računске greške, treba da iznosi 40.571,55 KM umjesto upisanih 81.143,10 (razlika 40.571,55 KM).

Ugovorni organ je uputio zahtjev za ispravku računске greške broj: 02/6-14-4-2149-2/19 od 06.06.2019. godine, ponuđaču Ahmetspahić petrol d.o.o. Sarajevo. Navedeni ponuđač je u odgovoru na zahtjev broj: 347/19 (interni broj) od 07.06.2019. godine izjavio da su saglasni sa računskom greškom i da istu prihvataju pa će umjesto 81.143,10 KM njihova ponuda glasiti na iznos 40.571,55 KM.

Nakon ovoga stekli su se uslovi za zakazivanje e-aukcije.

E-aukcija je zakazana za dan 14.06.2019. godine sa početkom u 14.00 sati. Postupajući u skladu sa članom 3. stav 1., te članom 4. stav 6. Pravilnika o uslovima i načinu korištenja e-aukcije („Službeni glasnik BiH“, broj 66/16) na e-aukciju su pozvani samo ponuđači čije su ponude prihvatljive.

Nakon završetka e-aukcije Ugovorni organ je dobio izvještaj Agencije za javne nabavke BiH o uspješno završenoj e-aukciji i najpovoljnijem ponuđaču nakon završetka e-aukcije.

Rang prihvatljivih ponuda prema kriteriju za dodjelu ugovora „najniža cijena“ nakon provedene e-aukcije na osnovu konačne rang liste ponuđača koji su pozvani da učestvuju u e-aukciji iz Izvještaja o toku i završetku e-aukcije:

Naziv ponuđača	Ukupna cijena ponude, bez PDV-a
Ahmetspahić petrol d.o.o. Sarajevo	14.445,00
Centotrans eurolines d.d. Sarajevo	16.221,00*
Autodelta d.o.o. Sarajevo	31.500,00*

*označava cijene na koje se primjenjuje preferencijalni tretman

Prema Izvještaju o toku i završetku e-aukcije, u toku e-aukcije došlo je do smanjivanja cijena i podnošenja novih ponuda.

Nakon završetka e-aukcije, Komisija je pristupila analizi ponuda, te konstatovala da je krajnja ukupna cijena ponude ponuđača Ahmetspahić petrol d.o.o. Sarajevo, koja je nakon provedene e-aukcije iznosila 14.445,00 KM bez PDV-a, neprimodno niska, više od 50%, u odnosu na procjenjenu vrijednost javne nabavke.

U cilju otklanjanja potencijalnih prijetnji za žalbe na odabir najpovoljnijeg ponuđača, kao i prijetnji odugovlačenja postupka i mogućnosti nekvalitetnog izvršavanja usluga predmetne javne nabavke, u skladu sa članom 66. stav 1. Zakona o javnim nabavkama BiH („Službeni glasnik BiH“ broj: 39/14), zatim članom 17. stav 8. Uputstva za pripremu modela tenderske dokumentacije i ponuda („Službeni glasnik BiH“ broj 90/14 i 20/15), te u vezi sa Mišljenjem Agencije za javne nabavke BiH broj: 03-02-1-1269-2/19 od 22.04.2019. godine, upućen je zahtjev broj:02/6-14-4-2149-4/19 od 18.06.2019. godine, navedenom ponuđaču, za obrazloženje iste. Ponuđač u svom Obrazloženju broj: 374/19 od 21.06.2019. godine nije ponudio osnovano obrazloženje svoje ponude. Konstatacija o ostanku kod cijene koja je utvrđena nakon e-aukcije za period od jedne godine nema osnova, te se ponuda navedenog ponuđača odbija. Naime, obrazloženje nije u skladu sa članom 66. stav 2. Zakona o javnim nabavkama BiH („Službeni glasnik BiH“ broj: 39/14).

Kako se u skladu sa članom 66. stav 1. Zakona ovakva ponuda odbacuje, u nastavku postupka zahtjev za obrazloženje neprimodno niske cijene upućen je drugorangiranom ponuđaču Centotrans eurolines d.d. Sarajevo, čija je ukupna cijena ponude nakon provedene e-aukcije takođe neprimodno niska, više od 50%, u odnosu na procjenjenu vrijednost javne nabavke.

Ponuđač u svom Obrazloženju broj 1/4570/19 od 28.06.2019. godine nije ponudio osnovano obrazloženje svoje ponude. Ponuđač je naveo da je išao sa navedenom cijenom kako bi dobio tender, te da obrazloženje nema jer je cijena previše niska, stoga je Komisija ponudu navedenog ponuđača ocjenila kao neprihvatljivu. Naime, obrazloženje nije u skladu sa članom 66. stav 2. Zakona o javnim nabavkama BiH („Službeni glasnik BiH“ broj: 39/14).

Dakle, ponude ponuđača Ahmetspahić petrol d.o.o. Sarajevo i Centotrans eurolines d.d. Sarajevo su formalno-pravno ispravne, ali se iste odbacuju zbog neprimodno niske cijene.

Rang lista prihvatljivih ponuda prema kriteriju za izbor ponude nakon provedene e-aukcije:

Naziv ponuđača	Autodelta d.o.o. Sarajevo
Sjedište i adresa	Bolnička do br. 11 Sarajevo
Ukupna cijena za ugovor sa PDV-om, nakon provedene e-aukcije	31.500,00* KM

Shodno rezultatima pregleda i ocjene ponuda i rang listi prihvatljivih ponuda, Ponuda ponuđača AUTODELTA d.o.o. Sarajevo, nakon provedene e-aukcije, ocjenjena je prihvatljivom sa ukupnom cijenom ponude u iznosu od 31.500,00 KM bez PDV-a.

U skladu sa odredbama Zakona o javnim nabavkama i pratećim podzakonskim aktima, ponude ponuđača Osing osiguranje inženjering d.o.o. Sarajevo, Asa assistance d.o.o. Sarajevo, Ahmetspahić petrol d.o.o. Sarajevo i Centrotrans eurolines dd Sarajevo se odbacuju.

U postupku donošenja ove Odluke posebno su cijenjene činjenice da je pravilno i potpuno utvrđeno činjenično stanje i ocjena prispjelih ponuda u skladu sa kriterijima iz tenderske dokumentacije. U postupku je utvrđeno da je Komisija u svemu pravilno postupila te da je preporuka data u skladu sa Zakonom o javnim nabavkama BiH, podzakonskim aktima i tenderskom dokumentacijom.

Cijeneći naprijed navedeno, a u skladu sa Zapisnikom o pregledu i ocjeni ponuda i Izvještajem o toku i završetku e-aukcije riješeno je kao u dispozitivu.

Pouka o pravnom lijeku: Protiv ove Odluke može se izjaviti žalba Uredu za razmatranje žalbi, putem ovog Ugovornog organa, u pisanoj formi, neposredno, elektronskim putem, faxom ili poštom preporučeno, u roku od 10 (deset) dana od dana prijema ove Odluke, a u skladu sa članom 99. i 101. stav 1. tačka d) Zakona o javnim nabavkama BiH („Službeni glasnik BiH“ broj: 39/14).

za **POLICIJSKOG KOMESARA**
NAČELNIK SEKTORA KRIMINALISTIČKE POLICIJE
Glavni inspektor

Milorad Bašić

Dostaviti:

1. Komisiji za sukcesivne nabavke
2. Ponuđačima x5
3. Odjeljenju za odnose s javnošću, radi objave na web stranici ovog organa
4. a/a